

宣化縣志卷之四

詔命志下

三十一年賜兵部左侍郎翟鵬總督軍務勅諭

特命爾總督宣大偏保等處軍務在干適中緊要地方駐劄經畧一應邊務遇警隨宜往來調度各鎮將官相視戰守各該鎮巡以下官員悉聽節制官軍臨陣不用命者自都指揮而下許以軍法從事

地方事情有應與各該鎮巡官計議者從長計議而行先發去銀兩專為主客兵馬之用併命爾總理其事爾宜督令管糧郎中等官盡心調度整理軍衛有司官員有犯應拏問者就便拏問依律處治勅內該載未盡者悉聽爾便宜區處此為專設文臣總督軍務之始邊鎮連年兵患不息故自鵬後皆令久駐地方經理如有遷擢必得代乃

去鵬後任事者其勅諭與前畧同後俱倣此嘉靖三十年析保定屬薊遼總督而總督西北者改稱總督宣

大山山西云

四十年賜山西按察僉事孟官專理屯政勅諭

勅山西按察司僉事孟官近該巡按監察御史奏稱宣大二鎮屯政久弛必須專官管理庶有責成今特命爾前去專理宣大二鎮屯政在干適中住劄爾宜查照該部題准事理督同各路通判守操掌印管屯等官專意整理兩鎮屯田每歲巡歷一週凡有應行事件悉聽爾便宜處置如非屯政事情不得干預有曠本務總督撫按衙門亦不許別項委用此為專設屯政僉憲之始後代任者勅諭同

此

皇清世祖章皇帝順治元年九月初三日攝政王勅諭

宣化縣志

卷之四

詔命志

一

諭權署總兵官王應暉知道聞賊黨盤踞太原今起大兵殲滅流氛救民塗炭以安天下十王統領前營兵將定于本月十一日起行爾宜謹守宣府城池邊撥慣戰副將等官帶領驍健士卒應壯馬匹前赴代州等候前營大兵到時聽十王號令其宣大等處口外蒙古等兵亦奉調會合十王大兵從宣府地方經過傳與人民毋致驚恐務要明白曉諭仍選調知路鄉導官丁引蒙古兵至代州不許遲延有悞軍机續後六帥征討由潼關固關等處分道並進特諭

十一年十一月十六日頒至却中外稱聖詔

朕恭膺天命繼承祖宗鴻緒統御十有一年兢兢業業日務圖治而治効未臻日務安民而民生未遂疆圉多故徵調甚繁水旱頻仍流離載道中外之欺朦成習朝廷之膏澤弗宣法敝民窮干和召戾天心未格地震屢聞皆朕不德之所致也朕以渺躬托于王公臣庶之上政教不脩救正無術一夫不獲咎在朕躬而內外章奏文移動輒稱聖是重朕之不德也何以自安從今以後朕痛加脩省一意安民大小臣工各宜洗心改行恪脩職業助朕挽回災變保乂黎元凡章奏文移俱不得稱聖以昭朕乾惕至意布告中外咸使聞知

宣化縣志

卷之四

詔命志

二

十三年頒至申飭巡方勅

國家設立巡方御史原為察吏安民之本首在懲貪必按臣先能以廉持已奉公守法然後有司有所畏懼不敢貪婪害民乃初遣顧仁等巡方時會詔至太和殿面諭巡按已經止息因此官關係甚重吏治貪廉民生利病皆由由此上達故遣爾等往巡直省地方朕即倚為耳目手足爾等當體朕意潔已整屬奠安民生若不法受賄負朕委任不拘常律但得銀一錢一兩者定律處死又召至左翼門再加申諭往開巡按官初至地方亦能虛傳廉名及至差滿回日多貪取賄物爾等若蹈此弊

初至廉聲俱置不問必照貪例處分朕屬望如此
殷切戒諭如此嚴明即當洗滌肺腸痛除積弊乃
顧仁輒敢背旨壞法收蠹納賄朕親行審鞠情真
罪著已經正法訖合通行天下嚴加禁飭以後各
巡方御史及巡鹽巡漕巡倉巡視茶馬各御史有
這等違法受賄犯贓即行處斬定不寬宥爾等即
行傳知特諭是時巡按宣大御史亦成在申勅之中故錄

十七年頒至捐脩明愍帝陵勅

朕惟膺圖承祚統紹百王而創法宏模情殷勝國
歷觀史册興亡之迹考其治亂得失之由僉以政
荒遂干天譴邦國既隳士民罔懷惟有明莊烈愍
皇帝實治理之完圖惜贊襄之莫逮以致寇氛犯
闕宗廟惟墟追念喪師匪因失德朕每念及此未
嘗不惻焉傷心也頃者兩幸昌平周視明代陵隧
躬親盥奠俯仰徘徊以彼諸陵規制咸壯麗相因
獨愍帝之陵荒涼卑隘典物未昭原彼當年孜孜

宣化縣志

卷之四

詔命志

三

求治宵旰不遑祇以有君無臣薄海鼎沸泊乎國
步傾危身殉社稷揆諸正終之例豈同亾國之君
朕于范弔之餘撫往典悲不禁流涕因欲繕治陵
寢升堊几楹慰靈爽于九原彰異數于奕禩迺核
少府金錢悉皆小民正供倘增工徒之費殊乖賦
式之經然終不忍聽其闕畧用是布告方州開導
忱悃交相諭助聿新龔燹以肅松楸

今上康熙三年賜分守口北道兼整飭懷隆等處勅

勅口北道方端士茲命爾分守口北道事務駐劄
宣府鎮城管轄西南下北路四廳萬全都司六衛
及裁併懷隆道所屬東路上北二廳延保二州四
衛地方其衛所經管錢穀各官仍照舊聽爾統轄
首在撫綏黎民勤宣德意約束衙門官吏胥役使
之恪遵法紀無致作弊生事擾害官民監司本源
既正方可表率屬員用循職業宜加意脩濬城池
積聚糧餉捕緝盜賊稽查逃人仍誠諭有司簡訟

清刑潔已愛民生聚教訓共圖保障凡係流移人戶須設法招徠各復本業不許奸人借端詐害如大兵征討經由地方糧草舟車皆常通融預備以待臨時支給事竣報核毋容有司朦朧橫派重困小民所屬官員有貪殘溺職者轉報該督撫察處爾仍聽督撫節制年終將行過事蹟開送該撫咨稱察考爾受茲委任須持廉秉公殫心竭力使小民樂業斯稱厥職如或貪黷乖張因循怠忽貽悞地方責有攸歸爾其慎之故勅 此兼整飭懷隆道之勅也先是分守口北分巡赤城整飭懷隆三道各有專勅不具載

七年頒至傳令內外大小文武各官確陳民生利病

論

上諭諭吏部等大小各衙門民為邦本必使家給人足安生樂業始可以稱太平之治今聞直隸各

宣化縣志

卷之四

詔命志

四

省人民多有失所疾困窮苦深可軫念或係官吏貪酷朘削生民或係法制未便致民失業今當何如而後始得遂其生計凡一切關係民生利病應行應革事宜着內外各衙門大小文武等官各抒確見陳奏勿隱以憑採擇施行但不許以浮泛虛文及無益于民之事借端塞責具奏着吏兵二部傳諭遵行特諭

停止口外巡幸論

上諭諭吏兵二部朕頃以秋冬農隙講武之時欲一往邊外閱視不久即還今覽諸臣前後各奏稱今歲災變甚多不宜出邊外致兵民困苦朕念諸臣抒陳忠悃直言進諫深為可嘉已允諸臣所請停止邊外之行以後國家重大緊要事情如有未當者務抒所見直陳朕不憚更改爾二部即傳諭遵行特諭

九年賜鎮守宣府總兵兼轄昌平石匣等處勅

勅諭都督僉事拜音達禮茲特命爾充鎮守宣府等處總兵官駐劄宣府該管汛地并新歸昌平石匣各營大小將領及守禦等官俱照題定經制事例管轄爾須操練兵馬振揚威武申明紀律撫恤士卒嚴明斥堠防遏奸宄脩濬城池繕治器械相度地勢險易控制要害處所責成該汛弁兵力圖保障各營額兵務選補精強毋容積習老弱糜餉一應本折糧餉聽該管衙門給發所部兵丁必須嚴加鈴束秋毫無犯使兵民相安不得借打草放馬為名戮力勦捕不得觀望致悞軍機倘賊勢重大即發兵分勦務盡根株勿使滋蔓本省鄰壤有警星馳赴援不得自分彼此失悞機宜如有賊衆投誠察其真心向化即與安插如招撫事體重大奏請定奪所屬副將以下聽爾節制千把總以下如有臨陣退縮殺良冒功乘機搶掠侵餉肥己者以軍法從事勅中開載未盡事宜參酌施行一

宣化縣志

卷之四

詔命志

五

十月頒至尚德緩刑諭

應錢糧詞訟民事俱係有司職掌不得干預文官遲悞糧餉及匿賊不報者爾移會巡撫指參從重治罪爾受茲委任須持廉秉公殫力奮勇殲寇固周斯稱厥職如貪黷乖張因循怠忽縱寇殃民貽誤封疆國憲具存爾其慎之故勅

上諭禮部朕惟至治之世不專以法令為務而以教化為先其時人心醇良風俗樸厚刑措不用比屋可封長治久安茂登上理蓋法令禁于一時而教化維于可久若徒恃法令而教化不先是舍本而務末也近見風俗日敝人心不古囂陵成習僭亂多端徂詐之術日工獄訟之典靡已或豪富凌轢孤寒或劣紳武斷鄉曲或惡衿出入衙署或蠹棍詐害善良崔苻之劫掠時聞仇忿之殺傷叠見陷罹法網刑辟之日繁良山化導之未善朕今典難寬今茲刑辟之日繁良山化導之未善朕今

欲法古帝王尚德緩刑化民成俗舉凡敦孝弟以重人倫篤宗族以昭雍睦和鄉黨以息爭訟重農桑以足衣食尚節儉以惜財用隆學校以端士習誦異端以崇正學講法律以警愚頑明禮讓以厚風俗務本業以定民志訓子弟以禁非爲息誣告以全良善戒窩逃以免株連完錢糧以省催科聯保甲以弭盜賊解讐忿以重身命等項作何訓迪及作何責成內外文武該管各官督率舉行爾部詳察典制定議具奏特諭

十一年頒至酌定官人等服色之制論

禮部題爲欽奉 上諭事該臣等公會議得官服用若奢侈違其本分不肖者廢產過費所以不足以致紊亂相應定例永爲遵行並將順治九年定例一併酌定云云內開欵目甚多不能盡載大約官自五品以下不得用蟒緞疋緞貂皮捨喇猴及金花緞白豹皮其貂皮止許作帽圍領 軍民

宣化縣志

卷之四

詔命志

六

及辦事人等並書辦外郎家僕止許穿紡絲絹綿絢繭絨絨疋絨葛布毛青三梭布夏布狼狐貉羊沙狐等皮 庶民不許用貂皮並不許穿狐狄沙狐狄及一應緞皮紗羅緞靴靴上不鑲綠斜皮帽止許用染黃鼠及狐貉沙狐等皮如違分穿用者官民人等處分各有差

十七年頒至薦舉學行兼優文詞卓越之人以備親

試錄用論

上諭吏部自古一代之興必有博學鴻儒振起文運闡發經史潤色詞章以備顧問著作之選朕萬幾暇時遊心文翰思得博洽之上用資典學我朝定鼎以來崇儒重道作養人才四海之廣豈無奇才碩彥學問淵通文藻瑰麗可以追踪前喆者凡有學行兼優文詞卓越之人不論已未出仕者在京三品以上及科道官員在督撫布按各舉所知朕將親試錄用其餘內外各官果有真知確見在

內開送吏部在外異報于該督撫代為題薦務令
虛公延訪期得真才以副朕求賢右文之意爾部
即通行傳諭遵行特諭 時直撫欽奉 上諭行
文至宣府前衛守備姜際龍以并無學行兼優文
詞卓越之人移復在城同知鄭潤中轉報口北道
李如桂奏先是十五年戶部左侍郎魏公象樞薦
舉軍前堪用人才于吾宣則以原任江南常熟縣
知縣魏允升應 詔嗣又疏薦堪任要地道臣其
一乃原任陝西河西道叅議王天鑑亦宣人也皆
奉有 俞旨至魏常熟雖已物故而王叅議尚在
竟以并無二字塞責豈于虛公
延訪之 上諭全未着日耶

論
二十年蠲免饑荒地地方各項正賦并歷年拖欠錢糧

上諭戶部前因大同等處地方自去歲饑荒百姓
無食流離失所已經發銀二十萬兩遣官賑濟又

宣化縣志 卷之四 詔命志 七

將應征房稅悉與豁除務期小民家室復完不失
故業今復差官各處察看閭閻尚多逃亡田土仍
然荒蕪耕種無資衣食奚賴朕心深為惻憫所有
本年應征地丁各項正賦并歷年帶征拖欠錢糧
盡行蠲免但小民困苦已極猶恐無濟目前此外
行何應行事宜可以速拯災黎俾得存活者爾部
即行詳議具奏以副朕軫恤百姓至意特諭 欽
此奉 諭宣鎮饑荒地方被蠲免者共七處前衛
深井堡左衛懷安衛
東西二城蔚州衛

春正月免徵宣府前衛等五處併東西二城房稅諭

上諭戶部宣府大原大同等處被災
民苦所征房稅銀兩應免該部議奏

夏六月發京倉米運至宣府諭

上諭近邊不可無米關係甚是緊要理應將米
至大同宣府相距京城道路寫遠所需腳價繁

停其運至大同將在京老米二十萬石運至宣府
存倉備防若大同需米晉省撥夫自宣府運至大
同不致有誤

二十一年命大臣巡察直隸及宣府等處地方勅

上勅諭刑部尚書魏象樞吏部左侍郎晉右侍郎
事稱爾坤茲以直隸畿輔重地王化攸先欲又安
民生之別除奸惡順天八府所屬州縣併宣府各
府所屬地方審通京師屯民雜處有紳矜勢要豪強
及旗下克惡人員併庄頭等縱暴恣行武斷鄉曲
有司畏威而不敢問大吏徇隱而不能糾非若遣
大臣巡察無以禁暴懲奸振飭綱紀祛除積弊
特命爾等前往會同該撫巡歷地方親行咨訪凡
有勢要豪強旗人庄頭干冒法網大為民害者
訪得實情指名題參盡法處治地方官員胥役有
貪污受賄事蹟片據實糾劾其無藉遊棍借端生事
誣害官民即行嚴拿懲究毋止憑開報徒襲具文

宣化縣志

卷之四

詔命志

八

毋竟縱巨奸苛摘細故勅中開載未盡事左爾等
奏請施行爾等受茲委任須持廉秉公嚴絕情面
盡破積習不畏強禦不受請托務俾民隱得伸奸
道斂戢始為克盡厥職如或玩忽從事致負任使
責有攸歸爾等其慎之故勅

二十四年奉 上蠲免地丁錢糧十分之三及二十

三年未完錢糧盡與豁除諭

上諭戶部朕撫馭方夏愛養黎元早作夜思勤求
治理閭閻疾苦無時不深軫念欲使民生樂業比
屋豐盈准當責已蠲租萬姓得沾實惠直隸地方
頻遭旱災小民匱乏宜加恩恤順永保河等處
估地地方應征康熙二十一年地丁錢糧已經
蠲免所有直隸八府二十一年未完地丁錢糧
與豁除其順永保河木經圈估地方及真順廣大
等處應征地丁各項正賦俱着免三分之一爾部

速行該地方官通行曉諭務使人人得被膏澤以付朕勤恤民隱至意如有不肖有司借端朦混私行重徵者或經叅奏或被被告發定行從重治罪爾部仰遵諭行特諭

二十五年四月差戶部司官來查丈民間房基

此保安庄頭投報奉 旨不必差包衣官員恐其獲庇庄頭徑交戶部差官員查明若不查明或被告發文不輕恕欽此隨差郎中庸愛員外郎穆哈前去會同北道王驍同知汪宗豫守備張鈞將宣城內鄉紳生監兵民人等所住房屋前後兩傍及寺廟前後兩傍小園畦盡行查明其地四百二十六畝問紳到宗堯馬瑞麟胡以涵軍民人等俱稱俱係我等祖房年久倒塌不能重修開種養生據清報部 部議此項園地仍畱其原土種種可也二十五年五月十九日奉 旨依議到部轉行口北道遵照出示曉諭有口北道看語附藝文志

宣化縣志

卷之四

詔命志

九

二十六年奉 上蠲免順永等府及宣鎮錢糧論

上諭戶部直隸畿輔重地王化所先大沛恩膏用培邦本而順永保河四府地方人民較之畿南差役倍多繁苦故將康熙二十六年地丁各項錢糧同湖南福建四川四省錢糧盡與豁免

二十八年秋七月差賢能司官同直隸巡撫來察旱

荒併議賑救之法論

上諭戶部今歲天氣亢暘雨澤鮮少畿輔地方雖不時聞有得雨然或甘澍未敷或霪霖已後收穫失望窮民閱歷冬春難保必無跟食用是朕衷預為軫念加殷着差爾部賢能司官會同該撫下州縣等處遍行親歷詳加察勘其有果係被災者作何賑救使不罹患害着一併確議具奏特諭

九月奉 上二十八年水經徵完及二十九年上半

年錢糧盡行蠲免論

上諭戶部朕勤求治理篤念民依欲使婦子幹寧
用是頻蠲租賦至于時值荒歉倍切焦思賑贍之
恩尤宜亟沛今歲畿輔亢暘為虐播種愆期年穀
不登小民艱食旱災情形朕所親見夙夜殷勞軫
念已久顧此熒熒之民糊口尚不能給若更責以
輸賦必致流移失散直隸被災州縣衛所有本年
各項地丁錢糧除已徵在官外其餘未經征收及
康熙二十九年上半年錢糧盡行蠲免爾部速行
該撫通行曉諭務使均沾實惠以副朕拯恤窮黎
至意如民人仍致流散或不肖官役朦混侵蝕及
仍行私征者將該撫一併嚴
加處分爾部即遵諭行特諭

三十四年十一月內免徵宣化本年被災等處錢糧
及三十五年錢糧論

宣化縣志

卷之四

詔命志

十

上諭戶部宣化府屬地上瘠薄秋禾被災今年除
已完納外未完納者俱免徵其三十五年錢糧仍
照順天等四
府通行蠲免

三十五年九月內全豁宣化三十六年銀米論

三十五年九月二十三日奉 上諭諭戶部宣化
府錢糧前已屢經蠲免但比年以來所屬各州縣
收養軍前需用馬匹又大兵絡繹往來雖各有支
給經費而供億甚繁殊勞民力朕新幸經臨深切
軫念着將三十六年宣化府屬地丁銀米全與蠲
豁仍行文該撫俾民間均沾實惠以副朕寬恤黎
元之意爾部即
遵諭行特諭

四十一年三月內查核倉儲並摺奏雨澤預防蝗蝻

論

上諭戶部着直省查核倉儲以備賑濟並雨澤有無多少具摺奏聞且恐蝗蝻易生所在官吏宜各防預

四十二年三月十八日頒賜淮黃告成親閱回鑾大

沛宏恩詔

詔曰朕為天下圖治凡國家之休戚閭閻之樂利勤勞勵精注意于此天下之大兆民之衆朕誰欺欺天乎至今歷飢饉者不知其幾南北用兵者不知其幾人心向背幾天變地震者不知其幾惟守仰賴上天眷佑祖宗厚德幸生創業未久之際方免墜失今海宇昇平朕五旬輿情肫切屢請加上尊號朕堅意固辭不允所請蓋朕不以名譽稱揚為尚惟以海內富

宣化縣志

卷之四

詔命志

二

庶為心是以屢蠲賦役頻省刑罰總欲使老安少懷風俗醇厚漸幾于康又隆平之治近因淮黃告成乃東南要務再授方畧望其善後朕不辭勞瘁親往閱視見畿輔山左江浙等省耆老人民俱忠心愛戴雖童穉亦咸歡欣瞻仰是知民心皆一益深軫念視切如傷所以星夜回鑾茲特大沛宏恩普遐通庶凡民生咸登壽域和協徧滿寰區所有應行事例開列于後嗚乎安民則惠益宏達下之思御衆以寬聿沛好生之德布告天下咸使聞知康熙拾二年四月二十二日為欽奉恩詔事恭奉詔內一軍民年七十以上者許一丁侍養免其雜差泛役八十以上者給與絹一疋綿一勛米一石肉十勛九十以上者倍之至百歲者題名給與建坊銀兩欽此務使均沾實惠

西十四年頒鎮守宣化府等處總兵官勅

勅諭副將康泰茲特命爾充鎮守宣化府等處總兵官駐劄宣化府該管張家口張家口路萬全

營騰房堡新河口堡萬全左衛城柴溝堡洗馬林
堡西陽河堡懷安城蔚州路西城東城廣昌城獨
石路雲州堡赤城鎮安堡龍門所城滴水崖龍門
路葛峪堡長安嶺堡懷來路礮山堡懷來城周四
溝堡靖安堡四海冶堡等各營汛大小將領及守
禦等官俱照題定經制事例管轄爾須操練兵馬
振揚威武申明紀律撫恤士卒嚴明斥候防邊奸
宄修濬城池繕治器械度地勢險易控要害處所
責成該汛弁兵力圖保障各營額兵務選精強
毋容積弱老弱糜餉一應本折糧餉聽該管衙門
給發所部兵丁必須嚴加鈴束秋毫無犯使兵民
相安不得借打草放馬為名騷擾農業如遇寇警
卽統兵戮力勦捕不得觀望致悞軍機倘賊勢重
大會同巡撫發兵合勦務盡根株毋使滋蔓本省
隣壤有警星馳赴援不得自份彼此失悞機宜如
有賊衆投誠察其真心向化卽與安插如招撫事
體重大會同巡撫奏請定奪所屬副將以下聽爾
節制千把總以下如有臨陣退縮殺良冒功乘此

宣化縣志

卷之四

詔命志

十三

搶掠侵餉肥已者會同巡撫以軍法從事勅中開
載未盡事宜會同巡撫參酌施行一應錢糧詞訟
民事俱係有司職掌不得干預文官遲悞糧餉及
隱匿賊情不報者爾移會巡撫指參從重治罪爾
定受茲委任須持廉秉公殫力奮勇殲寇固圉斯
稱職職如或貪黷乖張因循怠忽縱寇殃民貽悞
封疆爾憲其存
爾其慎之故論

侵官之與曠職自古交譏乃今之專閫者竟莫
之省凡職所當為者多誘之以自卸所不當為
者又越俎以攬板若城池若民事是矣伏讀
勅諭開載其奉麻以從事者近來僅見尚帥工
人耳所以宣
民至今感之

四十五年

月內豁免四十二三兩年未完遠賦諭

上諭戶部朕宵旰圖維勒求民隱每欲敷蠲貸之
恩以為開闢留有餘之力而隸山東地方四十二

年偶遇災沴因特免山東四十三四兩年額賦並四十四年以前積欠錢糧直隸則順天河間兩府四十四年額賦亦俱豁免今歲屢年收穫民氣漸舒而所有宿逋尚應輸納朕念黎元方有起色辦賦猶難一時新舊並征勢難兼應宜更加寬恤以宏休養直隸自康熙四十一年至四十四年各府屬未完民欠銀八萬二千七百兩有奇糧五千九百石有奇山東省四十二年各府屬未完民欠銀一百六十九萬一千七百兩有奇糧五千九百石有奇或現在征取或分年帶征俱着通行蠲免俾小民悉除逋負之累倘有現完在官者即准抵本年正賦論旨到日速行徧曉諭有司溷征不與開除明白者叅劾嚴加治罪特諭

論曰古聖人垂裳端拱與吏民形隔不啻萬里而遙乃綸綍所昭天顏咫尺或則僉謀未協經年難決

宣化縣志

卷之四

詔命志

十三

者一語煌煌奉爲科律或則強臣悍將跋扈遐方忽天使捧尺一詔威靈赫濯咸懾息無敢譁至堦尺寸土傳之子孫拜一命之榮身名俱顯者恩錫光如日月他若君咨臣儆堂陛之上軫恤窮簷或沛蠲賑力甦民命恩云渥矣典云重矣嗚乎渙號靈敷遐邇歡呼孰謂木鳳不可輕銜回鑿遂爾難邀耶